

二十四史九通政典類要合編

前漢

第三冊

蘇子如
船

PDG

二十四史九通政典類要合編卷十六

前漢八

職官

加官 爵 舊爵 武功爵 賜爵 爵爵 特進 領尚書事 領他官 兼
官 行守假 宿衛 待詔 使外國 行水災流民 舉賢觀風 舉冤獄

侍中左右曹諸吏散騎中常侍皆加官所加或列侯將軍卿大夫將都尉尚書太醫太官令至郎中

亡員多至數十人侍中中常侍得入禁中諸曹受尚書事諸吏得舉法散騎騎並乘輿車給事中亦

加官所加或大夫博士議郎掌顧問應對位次中常侍中黃門有給事黃門位從將大夫皆秦制

百官表

漢侍中冠武弁大冠亦曰惠文冠加金璫附蟬為文貂尾為飾

侍中服則左貂常侍服則右貂金取堅剛百鍊不耗蟬取居高食潔貂取

外勁悍而內溫潤此本趙武靈王胡服之制秦破趙得其冠以賜侍中

便繁左右與帝升降舊用儒者然貴子弟榮其觀好至乃襁抱

坐受寵位貝帶脂粉綺襦袂袴鷄冠

惠帝時侍中鷄冠冠貝帶傳脂粉張辟疆年十五桑弘羊年十三並為侍中鷄冠似鳳皇神鳥

直侍左右分

掌乘輿服物下至褻器虎子之屬

蘇則與吉茂同隱於太白山後則為侍中舊親省起居故謂之執虎子茂見則嘲曰仕進不止執虎子則笑曰誠不能效汝蹇蹇鹿

驅武帝時孔安國為侍中以其儒者特聽掌御唾壺朝廷榮之有僕射一人

秦漢以侍中功高者一人為僕射

給事上加官也秦置漢因之所加或大夫博士議郎掌顧問應對位次中常侍侍中黃門無員

漢官表曰

凡侍中左右曹諸吏散騎中常侍皆加官也

諸給事中日上朝謁平尚書奏事分為左右曹以有事殿中故曰給事中

散騎常侍自秦置散騎又置中常侍散騎並乘輿

並音步浪切騎而散從無常職

後中常侍得入禁中皆無員漢因

之並加官

說在侍中篇

散騎有常侍侍郎與侍中黃門侍郎

以上並通考職官考通典通志並同

右加官

爵一級曰公士二上造三簪褭四不更五大夫六官大夫七公大夫八公乘九五大夫十左庶長十一右庶長十二左更十三中更十四右更十五少上造十六大上造十七駟車庶長十八大庶長十九關內侯二十徹侯皆秦制以賞功勞徹侯金印紫綬避武帝諱曰通侯或曰列侯改所食國令長名相又有家丞門大夫庶子

漢書百官表

高帝五年詔曰軍吏卒會赦其七大夫以上

師古曰七大夫公大夫也

皆令食邑非七大夫以下皆復其身及戶

勿事

漢書高帝紀

又曰七大夫公乘以上皆高爵也爵或人君上所尊禮異日秦民爵公大夫以上令丞與亢禮今吾於爵非輕也且法以有功勞行田宅其令諸吏善遇高爵且廉問有不如詔者以重論之

漢書高帝紀

八年令爵非公乘以上毋得冠劉氏冠

漢書高帝紀

武帝時民多買復

師古曰入助於官以取優復宋祁曰買復當作賈復

及五大夫千夫於是除千夫五大夫為吏

漢書食貨志

右爵

樊噲賜上間爵

孟康曰不在二十爵中如執圭執帛比也如淳曰間或作聞呂氏春秋曰魏文侯未

引呂氏春秋證上間音中問之問史記樊噲傳

封曹參爲執帛

張晏曰孤卿也或曰楚官名史記曹相國世家

夏侯嬰賜爵七大夫賜爵五大夫賜爵執帛

史記夏侯嬰傳

夏侯嬰賜爵執珪賜爵封

史記夏侯嬰傳

曹參遷爲執珪

史記曹相國世家

樊噲賜爵卿賜爵封

史記樊噲傳

傅寬賜爵卿

漢書傅寬傳

右舊爵

武帝元朔六年詔曰日者大將軍巡朔方征匈奴斬首虜萬八千級諸禁錮及有過者咸蒙厚賞得

免減罪今大將軍仍復克獲斬首虜萬九千級受爵賞而欲移賣者無所流恥其議爲令有司奏請

置武功賞官以寵戰士

漢書武帝紀

有司請置賞官名曰武功爵

臣瓚曰茂陵中書有武功爵一級曰造士二級曰閑輿衛三級曰戛士四級曰元戎士五級曰官首六級曰秉鐸七級曰千夫八級曰樂卿九

級曰執戎十級曰政戾庶長十一級曰軍衛此武帝所制以寵軍功師古曰此下云級十七萬凡直三十餘萬金今瓚所引茂陵中書止於十一級則計數不足與本文乖矣或者茂陵書說之不盡也

級十七萬凡直三十餘萬金諸買武功爵官首者試補吏先除千夫如五大夫

師古曰五大夫舊二十等爵之第九級也

至此以上始免繕役故每先選以爲吏千夫者武功十一等爵之第七也亦得免役今則先除爲吏比於五大夫也

劉歆曰直三千餘萬金其價之差殊不可詳也秦爵十八大庶長十九則關內侯武功爵比之減一級入關內侯亦其宜也或說七當作一與茂陵中書合矣予謂賣爵當級級稍增其價豈可例云級十七萬若每級十七萬比至三十餘萬金則一萬七千餘級又非也然則誤衍此

萬字蓋武功爵其級十七又曰官首亦武功爵名當讀云買武功爵官首試補吏先除言官首補吏稱試但先除之千夫如五大夫五大夫之制於史無傳以理推之當是補吏不試也其有罪又減二等爵得至樂卿師古曰樂卿者武功爵第八等也言買爵唯得至第八也此文止論武功爵級而作注者乃以舊二十等爵解之失其本意故刪而不取呂顯軍功軍功多用超等大者封侯卿大夫小者郎漢書食貨志通考同

右武功爵

高帝二年令民立漢社稷施恩德賜民爵

漢書高帝紀

孝惠卽位賜民爵一級

師古曰帝初嗣位爲恩惠也

中郎郎中滿六歲爵三級四歲二級蘇林曰中郎位爲恩惠也外郎滿六

歲二級

蘇林曰外郎散郎也

中郎不滿一歲一級外郎不滿二歲賜錢萬張晏曰不滿一歲謂不滿四歲之一歲也

歲之二歲作郎四歲也師古曰此說非也直謂作郎未經一歲二歲耳劉攽曰此賜爵之差中郎二歲乃當一級今不滿一歲亦一級恩優之也又散郎三歲當賜一級今斷不滿二歲賜錢萬則滿

二歲亦賜一級矣

宣官尙食比郎中

應劭曰宣官闕寺也尙主也舊有五尙尙冠尙帳尙衣尙席亦是如淳曰主天子物曰尙主文書曰尙書又有尙符璽郎也漢儀注尙中有五

尙而內官婦人有諸尙也

謁者執楯執戟武士騶比外郎應劭曰執楯執戟親近陛衛也武士力士也高祖使武

令爲騎因謂騶騎耳

太子御驂乘賜爵五大夫舍人滿五歲二級師古曰武士騶以上皆舊侍從天子之人也舍人以上太子之官屬漢書惠帝紀

孝文元年建太子因賜天下民當爲父後者爵一級

師古曰雖非已生正嫡但爲後者卽得賜爵

漢書文帝紀

孝景三年立皇子爲王賜民爵一級

漢書景帝紀

孝景後三年皇太子冠賜民爲父後者爵一級

漢書景帝紀

孝景中元年夏四月赦天下賜民爵一級

後元年三月赦天下賜民爵一級中二千石諸侯相爵右庶長如淳曰雖有尊官未必有高爵故數漢書景帝紀

高帝五年詔曰軍吏卒會赦其亡罪而亡爵及不滿大夫者皆賜爵為大夫如淳曰軍吏卒會赦得免罪及本無罪而無爵

級者皆賜爵為大夫師古曰大夫第五爵也劉攽曰予謂有罪者會赦免罪而已不得賜爵也亡罪乃得為大夫耳故大夫以上賜爵各一級師古曰就加之也級等也

其七大夫以上皆令食邑漢書高帝紀

孝惠五年九月長安城成賜民爵戶一級漢書惠帝紀

鼂錯言守邊備塞事曰募輸奴婢欲以拜爵者不足乃募民之欲往者皆賜高爵復其家郡縣之民

得買其爵以增至卿上從其言募民徙塞下漢書鼂錯傳

孝武元鼎四年冬十月行幸雍祠五時賜民爵一級女子百戶牛酒漢書武帝紀

孝宣本始元年五月鳳皇集膠東千乘赦天下賜吏二千石諸侯相下至中都官宦吏六百石爵各

有差如淳曰中都官宦吏奄人為吏者也晉灼曰凡職在京師者也師古曰二說皆非也中都官謂在京師諸官也宦吏諸奄官也自左更至五大夫師古曰左更第五大夫第九爵也更音工衡反劉攽曰案此賜爵不及中二千石者緣王即位九侯率已為關內侯矣賜天下人爵各一級孝者二級漢書宣帝紀

孝昭元鳳四年帝加元服賜中二千石以下及天下民爵漢書昭帝紀

孝宣本始二年尊孝武廟為世宗廟巡狩所幸之郡國皆立廟賜民爵一級漢書宣帝紀

孝宣神爵四年潁川太守黃霸以治行賜爵及潁川吏民有行義者爵人二級力田一級貞婦順女

帛漢書宣帝紀

孝元永光二年詔陰陽不調三光晦昧其大赦天下賜民爵一級吏六百石以上爵五大夫勤事吏

各三級

漢書元帝紀

孝成河平四年匈奴來朝赦天下徒賜孝弟力田爵二級

漢書成帝紀

孝武元光元年賜民長子爵一級

漢書武帝紀

右賜爵

孝惠元年民有罪得買爵三十級以免死罪

應劭曰一級直錢二千凡為六萬若漢書惠帝紀

鼂錯說上曰今募天下入粟縣官得以拜爵得以除罪入粟受爵至五大夫以上乃復一人耳於是

文帝從錯之言令民入粟邊六百石爵上造稍增至四千石為五大夫萬二千石為大庶長各以多

少級數有差

漢書食貨志

又言募民徙塞事募不足募輸奴婢欲以拜爵者上從其言

漢書鼂錯傳

景帝時上郡以西旱復修賣爵令而裁其買以招民

師古曰裁謂減省之也漢書食貨志

武帝時兵革數動民多買復及五大夫千夫調發之士益鮮於是除五大夫千夫為吏

漢書食貨志

孝成鴻嘉三年令吏民得買爵買級千錢

漢書成帝紀

永始二年詔曰關東比歲不登吏民以義收食貧民入穀物助縣官振贍者已賜直其百萬以上加

賜爵右更欲為吏補三百石其吏也遷二等三十萬以上賜爵五大夫吏亦遷二等民補郎

漢書成帝紀

景帝二年詔曰人不患其不知患其爲詐也不患其不勇患其爲暴也不患其不富患其無厠也其唯廉士寡欲易足令嘗算十以上迺得官服虔曰嘗萬錢算百二十七也應劭曰古者疾吏之貪衣食足知榮辱限嘗十算乃得爲吏十算十萬也買人有財不得爲吏廉士無嘗又不得官故減嘗四算得官矣嘗與貲同廉士算不必眾有市籍不得官無嘗又不得官朕甚愍之嘗算四得官亡令廉士久失職貪夫長利

按漢初限嘗富者乃得官蓋恐其家貧而爲吏則必貪故也然致富者多買人而買人又不得爲

吏有市籍即買人也然則嘗不及算與及算而爲買人者皆不可以爲官則所限者眾矣故景帝詔減作

嘗算四乃得官云

武帝時董仲舒對策言選郎吏又以富貴未必賢也

武帝卽位于戈日滋財賂衰耗而不贍入物者補官出貨者除罪選舉陵遲廉恥相冒興利之臣自

此始也其後府庫益虛乃募民能入奴婢得以終身復爲郎增秩及入羊爲郎始於此

元狩四年除故鹽鐵官家富者爲吏吏道益雜不選而多買人矣

元鼎二年始令吏得入穀補官郎至六百石師古曰吏更選補高官郎又就增其秩得至六百石也

元鼎三年所忠言世家子弟富人或鬪雞走狗馬弋獵博戲亂齊民乃徵諸犯令相引數千人命曰

株送徒入財者得補郎郎選衰矣言被牽引者爲其根株所送當充徒役而能入財者卽當補吏

按漢初仕途不加澄汰懼民之棄本逐末而儲蓄不豐也遂立爲入粟法懼吏之貧乏無藉而貪

欲無厭也遂立爲賞算法雖有愧於古人任賢使能之意然猶不過隨時救弊而上之人未嘗利其財也至武帝以征伐之餘用度不足始立賞官明開鬻賣之門入穀者入羊者入奴婢者煮鹽冶鐵者皆得入仕至株送之法行則陷之以罪畧以取其財而復酬之以官於是名器益濫矣

西漢以賞爲郎如淳曰漢制賞五百萬得爲常侍郎張釋之司馬相如

楊惲傳惲遷中郎將郎官故事令郎出錢市財用給文書迺得出名曰山郎山財用之所出故取名焉移病盡一

日輒償十沐言出財用者雖非休沐常得在外也或歲餘不得沐其豪富郎日出游戲或行錢得善部貨賂流行轉相

放效惲爲中郎將罷山郎移長度大司農以給財用長久也一歲之調度言總一歲所須財物文書調度移司農以官錢給之其疾病休

謁洗沐以法令從事有罪輒奏免薦其賢者郎官化之莫不自勵絕請謁貨賂之端宮殿翕然稱之

貢禹傳禹言孝文時貴廉潔賤貪污賈人贅壻及吏坐贓者皆禁錮不得爲吏賞善罰惡不阿親戚

罪白者伏其誅疑者以與民毋贖罪之法固令行禁止武帝始臨天下尊賢用士闢地廣境自見功

大威行遂從嗜欲用度不足乃行一切之法使犯法者贖罪入穀者補吏是以天下奢侈官亂民貧

盜賊並起亡命者眾郡國恐伏其誅則擇便巧史書習於計簿能欺上府者以爲右職姦軌不勝則

取勇猛能操切百姓者以苛暴威服下者使居大位故亡義而有財者顯於世欺謾而善書者尊於

朝諄逆而勇猛慧貴於官故俗皆曰何以孝弟爲財多而光榮何以禮義爲史書而仕宦何以謹慎

爲勇猛而臨官故黥劓而髡鉗者猶復攘臂爲政於世行雖犬彘家富勢足目指氣使是爲賢耳故

謂居官而置富者為雄桀處姦而得利者為壯士察其所以然皆以犯法得贖罪求士不得眞賢相
守崇財利誅不行之所致也今欲興至治致太平宜除贖罪之法相守選舉不以實及有贓罪者輒
誅亡但免官則爭盡力為善貴孝弟賤賈人進眞賢舉實廉而天下治矣

按楊惲傳所載及貢禹所言大槩為賞郎設也任官不以材德選而徒擇其賞力之富厚豈理也
哉然賞郎之見漢史者惟張釋之司馬相如釋之十年不得調有久宦減仲產之歎相如亦謝病
免歸成都家徒四壁立蓋其初非以德選為世所輕而宦亦不達故資產之富厚者反因宦而貧
雖以釋之之才相如之文苟非一日他有以見知人主自致顯榮則必為賞郎所累終身坎壈矣
士之所以進身者其發軔可不審哉

黃霸傳馮翊以霸入財為官不署右職使領郡錢穀計夫輸財於官而得仕者猶不以右職卑之況
徒以其家資之厚而予之官者乎

輸財得官

卜式

武帝時上書願輸家財半助邊不報再獻
錢三十萬拜郎中後為御史大夫封侯

黃霸

武帝末以待詔入錢賞官補侍
郎謁者生同產有罪劾免後復

入穀沈黎郡補左馮翊
二百石卒史至丞相

楊僕

以千夫為吏一千夫郎武功賞第七
級至樓船將軍封侯通考賞選考

右鬻爵

王譚位特進領城門兵

漢書外
戚傳

王商位特進領城門兵置幕府得舉吏如將軍

漢書元
后傳

傳喜位特進奉朝請

漢書傳喜傳

薛宣加寵特進位次師安昌侯給事中視尚書事

漢書薛宣傳

張禹以列侯朝朔望位特進見禮如丞相置從事史五人

漢書張禹傳

漢制諸侯功德優盛朝廷所敬異者賜位特進位在三公下

通考職官考通典同

右特進

霍光以大將軍領尚書事

漢書霍光傳

張安世以車騎將軍領尚書事又以衛將軍領尚書事

漢書張安世傳

師丹以左將軍領尚書事

漢書師丹傳

蕭望之以前將軍領尚書事

漢書蕭望之傳

王鳳以大司馬領尚書事

漢書元后傳

鄭寬中以光祿大夫領尚書事

漢書張山拊傳

孔光以光祿勳領尚書事

漢書孔光傳

張禹以光祿大夫領尚書事

漢書張禹傳

霍山以奉車都尉領尚書事

漢書霍山傳

周堪以光祿大夫領尚書事

漢書周堪傳

車騎將軍王音內領尚書外典兵馬

漢書毋將隆傳

史高以外屬爲大司馬車騎將軍領尚書事

漢書匡衡傳

于定國以光祿大夫平尚書事

漢書于定國傳

張敞以中大夫平尚書事

漢書張敞傳

漢承秦置武帝遊宴後庭始用宦者主中書以司馬遷爲之中間罷其官以爲中書之職成帝建始四年罷中書宦者置尚書五人一人爲僕射四人分爲四曹通掌圖書祕記章奏及封奏宣示內外而已其任猶輕

漢武帝時左右曹諸吏分平尚書奏事知樞要者始領尚書事張安世以車騎將軍霍光以大將軍

王鳳以大司馬師丹以左將軍並領尚書事

張安世領尚書事職典樞機以謹慎周密自著每言大政已決輒移病出聞有詔令乃驚使吏之丞相府問焉

自朝廷大臣莫知與議也又孔光字子夏領尚書事凡典樞機千餘年守法度修政事不希苟合問溫室省中樹皆何木也光答以他語其謹密如此以上通典職官典通志通考並同

右尚書事

平領

桑宏羊爲治粟都尉領大農

漢書食貨志

東邪咸陽孔僅爲大農丞領鹽鐵事

漢書食貨志

霍山奉車都尉侍中領胡越兵

漢書霍光傳

孔光爲帝太傅領宿衛

漢書孔光傳

王譚王商位特進領城門兵

漢書元后傳

金涉爲侍中騎都尉領三輔胡越騎

漢書金日磾傳

鍾元爲尙書令領廷尉

漢書何並傳

劉向以故九卿召拜爲郎中領護三輔都水

漢書劉向傳

息夫躬以左曹光祿大夫使持節領護三輔都水

漢書息夫躬傳

馮參爲諫大夫領護左馮翊都水

漢書馮參傳

劉向爲光祿大夫領校中五經秘書

漢書劉向傳

劉歆河平中受詔與父向領校秘書

漢書劉歆傳

右領他官

張安世車騎將軍光祿勳又遷右將軍光祿勳

漢書霍光傳

宣帝徙度遼將軍未央衛尉范明友爲光祿勳

漢書霍光傳

宣帝拜蕭望之爲前將軍光祿勳

漢書蕭望之傳

趙充國擢爲後將軍兼水衡都尉征匈奴還爲後將軍少府

漢書趙充國傳

王莽爲右將軍衛尉

漢書百官表

右將軍典屬國常惠馮奉世

漢書馮奉世傳

王尊轉守槐里兼行美陽令事

漢書王尊傳

右兼官

張湯韓安國並以御史大夫行丞相事

漢書張湯韓安國傳

太僕臣賀行御史大夫事

史記三王世家

行太常事太中大夫劉歆

漢書孝平王后傳

汾陽侯靳石爲太常行太僕事

漢書功臣表

韓延年爲太常行大行令事

漢書功臣表

行大鴻臚事少府樂成

漢書霍光傳

太子少傅臣安行宗正事

史記三王世家

王溫舒爲右輔行中尉事

漢書王溫舒傳

留侯張良行太子少傅事

漢書張良傳

黃霸廷尉行丞相長史事

漢書黃霸傳

蓋寬饒遷諫大夫行郎中戶將事

漢書蓋寬饒傳

王尊守京輔都尉行京兆尹事

漢書王尊傳

劉德宗正行京兆尹事

漢書劉德傳

翟義南陽都尉行太守事

漢書翟義傳

王尊轉守槐里兼行美陽令事

漢書王尊傳

朱雲以六百石秩試守御史大夫

漢書朱雲傳

光祿大夫劉辟彊守長樂衛尉

漢書楚元王傳

守少府蕭望之

漢書蕭望之傳

蕭育泰山太守入守大鴻臚

漢書蕭望之傳

執金吾任宏守大鴻臚

漢書哀帝紀

御史臣光守尚書令

史記三王世家

趙廣漢京輔都尉守京兆尹

漢書趙廣漢傳

龔勝光祿大夫守右扶風

漢書龔勝傳

王訢爲右輔都尉守右扶風武帝出駐車拜訢爲眞

漢書王訢傳

薛宣入守左馮翊滿歲稱職爲眞

漢書薛宣傳

朱博以高第入守左馮翊滿歲爲眞

漢書朱博傳

守丞相長史邊通

漢書張湯傳

守軍正丞胡建

漢書胡建傳

守廷尉史路溫舒溫舒傳

張敞守太原太守敞傳

王尊守京輔都尉尊傳

茂陵守令尹公漢書原涉傳

華陰守丞嘉漢書朱雲傳

漢二年拜曹參爲假左丞相入屯兵關中漢書曹參傳

假稻田使者燕倉漢書昭帝紀

趙充國以假司馬從貳師將軍漢書趙充國傳

軍候假丞杜勳漢書陳湯傳

右行守假

漢二年六月漢王還櫟陽令諸侯子在關中者皆集櫟陽爲衛漢書高帝紀

高帝崩陳平畏讒固請之得宿衛漢書陳平傳

高后二年齊哀王遣弟章入宿衛封朱虛侯四年封章弟興居爲東牟侯皆宿衛長安史記齊悼惠王世家

文帝入未央宮有謁者十人持戟衛端門漢書周勃傳

武帝時董仲舒對策曰使諸列侯郡守二千石各擇其吏民之賢者歲貢各二人以給宿衛漢書董仲舒傳

漢書終
軍傳

漢書申公傳

漢書張湯傳

漢書燕王旦傳

漢書宣
帝紀

漢書楚元王傳

漢書張湯傳

漢書楊惲傳

參傳

光傳

後傳

傳相光祿勳豐宿衛三世奉車都尉甄邯宿衛勤勞

漢書王莽傳

如淳曰主車曰車郎主戶衛曰戶郎漢舊儀曰郎中令主郎中左右車將主左右車郎左右戶將主左右戶郎

漢儀曰三署郎見光祿勳執板拜若見五官左右將執板不拜於三公諸卿無敬通典職官典